

merchè erano a Baruto, mandono le do galie sotil erano a Famagosta, *videlicet* Trivisana e Faliera, a Baruto in soccorso di ditte galie nostre, et havendo preparà il tributo di questo anno si dà al Signor turco di ducati 8000 in tanti saraffi gauri, per mandarli in Aleppo, e dubitando, l'hanno soprasedesto a mandarlo, et scritto a sier Andrea Morexini di questo; e aspetano le galie sotil ritornino di Baruto, quale saranno a di 12 di questo, per le qual lo mandano.

Fu posto, per sier Stefano Magno cao di XL, una parte, la copia di la qual scriverò più avanti. Ave 11 di no.

Fu posto per el ditto, atento in la dita parte non si era stà fata mention di meterla in Gran Consejo per più coroboration, però sia preso di meterla etc. Fu preso.

Fu posto, per li Savii tutti di Colegio, hessendo l'inverno et non si fabricando a Padoa: che 'l sia suspenso il fabricar de li per questi tre mexi, *videlicet* Decembrio, Zener et Fevver, e de li ducati 600 deputadi da quella camera al mexe in dita fabricha sia mandato per essi rectori ducati 300 al mexe per diti tre mexi, da esser mandati per la fabbricha di Corphù. *Item*, per questi tre mexi, a li salariati di dite fabriche a Padoa non li cori salario, *ut in parte*. Ave 168 di sì, 7 di no.

Fu posto, per li Consieri, Cai di XL e Savii loro, atento sier Andrea Badoer el cavalier fusse orator nostro in Anglia, e per quel serenissimo Re li fo donato una colana d'oro, la qual lui, per bisogno dil danaro, come el dice, impegnò per ducati 300 al vice canzelier de li, el qual è morto e la cadena è persa; e perchè li fo suspenso il suo credito fino non presentava la ditta cadena, però sia preso che a l'incontro dil suo credito a tal legation sia posto li ducati 300 preditti aziò possi aver il suo restante, *ut in parte*. Andò la parte: 125 di sì, 62 di no, e fo dubito tra li Consieri si era presa ovvero non, e visto le leze, terminono la non fusse presa, perchè a dar 257 danari di la Signoria vol li quattro quinti. E fo *iterum* balotata. Ave 117 di sì, et 74 di no, et *nil captum*; ma li Consieri terminono mal, atento non è dar danari di la Signoria, ma levar la suspension dil credito.

Fu posto, per li Consieri, Cai di X e tutti i Savii, poi leto una suplication di uno modoneo nominato Jacomo Leschochilo, qual nara li soi meriti, è stato in campo e in l'assedio di Padoa: che li sia dato, atento li soi meriti, in vita sua la scrivania de li comandiamenti greci di la Zefalonia, finito harà il tempo suo

Stephano di Stephani, qual l'ha al presente, con tutti li modi che 'l preditto l'ha. 133, 29, fu presa.

Fu posto, per sier Gasparo Malipiero e sier Marin Morexini savii sora le aque, che uno officio, qual dil 1510 di Avosto, per la morte dil qu. Daniel Costanzo cugnado dil qu. Francesco di Rizi fo nodaro a li governadori, il qual Daniel era soprastante a l'Insida di panni et valonie, fo electo in loco suo per li Governadori uno Zulian Baldello pujese, qual esercitò dito ofitio di Governadori per termination di essi Governadori, poi dito Zulian dil 1518 ritornò e stete in questa terra mesi 4 e si partì per andar a farsi prete, per tanto sia dà facultà a li diti Savii sora le aque di far proclama e conferir il ditto officio e trar quel magior numero di danari potrano, e chi l'averà, sia provà nel Colegio nostro con li modi etc. et condition di scrivani et palatieri di la palude. Ave 153 di sì, 25 di no, 4 non sinceri, fu presa.

Election di uno Provedador sora il cotimo di 257⁺ Damasco, in luogo di sier Lunardo Contarini a chi Dio perdoni.

Sier Antonio Capello, fo provedador e capitano a Lignago, qu. sier Batista		93.110
Sier Francesco Morexini, fo patron in Alexandria, qu. sier Antonio		109. 94
Sier Francesco Bembo, fo savio ai ordeni, qu. sier Hironimo		106. 97
— Sier Anzolo Michiel, fo vice consolo a Damasco, q. sier Hironimo		96.105
Sier Lunardo Contarini di sier Carlo, da san Felice		80.122
+ Sier Vicenzo Grimani di sier Francesco	 126. 77	146. 57
Sier Andrea Bollani, fo savio ai ordeni, qu. sier Alvise, qu. sier Marco procurator		107. 94
Sier Zuan Francesco Mocenigo savio ai ordeni, qu. sier Lunardo, qu. sier Tomà procurator		101. 99
Sier Marco Antonio Corner, fo podestà ad Axolo, qu. sier Polo		108. 94